

LVCANIA.

POTENTIA Antonino in Itinerario, vulgò *Potenza*. *Amantius* vel *Amandus* subscripsit Synodis tertiæ & quartæ Romanis sub Symmacho.

BUXENTVM Melæ lib. 2. c. 4. vulgò *Pisciota*. *Rusticus* Episcopus Buxentinus subscripsit tertiæ Synodo Romanæ sub Symmacho.

PÆSTVM Ptol. lib. 3. c. 1. vulgò *Pesto*. *Florentinus* huius Episcopus subscripsit Concilio primo Romano sub Symmacho, & *Ioannes* Lateranensi sub Martino.

ACROPOLIS, vrbs Episcopalis D. Gregorio epist. 29. lib. 2. indict. 10. qua huius Episcopo *Felici* curam visitandarum Velinæ, Buxentinæ, & Blandanæ Ecclesiârum iniungit.

BLANDA Melæ lib. 2. c. 4. hodie *Belvedere*, teste Barrio. *Paschalis* huius Episcopus subscripsit Concilio Lateranensi sub Martino.

CORSICA INSVLA.

ALERIA Ptol. lib. 3. c. 2. vulgò etiam *Aleria* dicitur incolis. *Bonosus* huius Episcopus subscripsit Concilio Lateranensi sub Martino, Diuusque Gregorius magnus scripsit epist. 22. lib. 2. indict. 14. ad *Petrum* Episcopum Aleriensem de Corsica.

VR CINIVM Ptolem. lib. 3. cap. 2. Adiacium postea dictum volunt, vulgò *Adiazzo*. *Euandri* Episcopi ab Vrsino meminit Optatus lib. 1. & Diuus Gregorius magnus Episcopi Adiacij epist. 74. lib. 9. in dictione 4.

NEBIVM, vulgò *Nebio*, vrbs Corsicæ insulæ Episcopalis, cuius Episcopus *Martianus* subscripsit Concilio Lateranensi sub Martino.

TAMITA, vrbs Corsicæ Episcopalis, teste Gregorio magno, qui scripsit epistolam 77. lib. 1. ind. 9. ad *Martinum* Ecclesiæ Tamitanæ Episcopum.

PROVINCIA MEDIOLANENSIS.

LIGVRIA.

MEDIOLANVM Ptolemæo lib. 3. cap. 1. vulgò *Milano*. Primaria vrbs Italiae Theodoreto lib. 2. c. 15. hist. Eccles. qui *Dionysium* huius Episcopum nominat. Præter eum alij varijs Concilijs subscripserunt, *Ambrosius* Concilio Aquileiensi sub Damaso, & *Laurentius* Concilio Romano tertio sub Symmacho.

EPOREDIA Ptol. ibid. vulgò *Iurea* seu *Hiurea*. *Eulogius* huius Episcopus subscripsit epistolæ Eusebij Episcopi Mediolanensis ad Leonem Papam, quæ extat inter epistolas Leonis magni.

VERCELLÆ Ptol. ibid. vulgò etiam *Vercelli*. Ex eius Episcopis *Limenius* subscripsit Concilio Aquileiensi sub Damaso, *Iustianus* Epistolæ Eusebij Mediolanensis ad Leonem Papam, & *Emilianus* tertiæ Synodæ Romanæ sub Symmacho.